

卷

三
三
三
三
六
五
四
三

葉氏
批評

景岳全書

上海廣益書局
印行



加批
詳評
景岳全書

卷三十三

貫集集證謨

會稽張介賓會卿著

長洲葉桂天士評

古吳江家楨忍庵訂

疝氣

經義

骨空論曰。任脈為病。男子內結七疝。女子帶下瘕聚。○督脈生病。從少腹上衝心而痛。不得前後。為衝疝。

長刺節論曰。病在少腹。腹痛不得大小便。病名曰疝。得之寒。刺少腹兩股間。刺腰髀骨間。刺而多之。盡其病已。

經脈篇曰。足厥陰肝病。丈夫癰疝。婦人少腹腫。○肝所生病。為飧泄狐疝。○足厥陰之別。循脛上。結於莖。其氣逆則臑腫卒疝。寔則挺長。虛則暴癢。取之所別也。

繆刺論曰。邪客於足厥陰之絡。令人卒疝暴痛。刺足大指爪甲上。與肉交者。各一痛。左取右。右取左。

脈解篇曰。厥陰所謂癰疝。婦人少腹腫也。○陰亦盛而脈脹不通。故曰癰癢疝也。陰陽別論曰。三陽為病。發寒熱。其傳為癰疝。



